

**ՎԱՆԱՆԴԻ (ԿԱՐՄԻ) ԹԱԳԱՎՈՐՈՒԹՅԱՆ ՊԱՏՄՈՒԹՅԱՆ
ՍԿՋԱՐԱՂՔՅՈՒՐՆԵՐԸ**

Ա.Ա. ՈՒԹՈՒՋՅԱՆ

Բազրատունյաց Հայաստանի պատմությունը միշտ էլ գրավել է ուսումնասիրողների ուշադրությունը: Հայ և օտար բազմաթիվ պատմաբաններ են անդրադարձել տվյալ ժամանակաշրջանի քաղաքական ու տնտեսական պատմությանը: Մանրամասն ուսումնասիրության առարկա է դարձել նաև մշակույթն իր ամենատարբեր կողմերով: Հայտնի իրողությունն է, որ Բազրատունիների դարաշրջանը նաև տեղական-գավառական թագավորությունների և իշխանապետությունների ժամանակաշրջանն էր, և այս իմաստով երկիրը ներկայացնում էր մի յուրահատուկ կոնֆեդերացիա՝ Անի-Շիրակ քաղաքական կենտրոնով ու գերագահությամբ: Սա է պատճառը, որ պատմաշրջանին նվիրված ուսումնասիրությունները, չիմնականում վերաբերում են Բազրատունիների կենտրոնական թագավորությանը և առավել նվազ չափով առանձին իշխանություններին: Պետք է նշել, որ չնայած կատարված լուրջ և շնորհակալ աշխատանքին, այնուհանդերձ, Բազրատունյաց Հայաստանի ոչ բոլոր թագավորությունների պատմությունն էլ դարձել առանձին ուսումնասիրության առարկա¹: Մինչդեռ հայտնի է, որ որևէ երկրի ամբողջական ու գիտական մանրամասն պատմությունը կարող է գրվել միայն նրա առանձին երկրամասերի պատմության քննական վերլուծությամբ: Այս իմաստով Հայ պատմագիտության մեջ բավարար ուշադրության չի արժանացել նաև Կարսի կամ Վանանդի թագավորության պատմությունը. չնայած ժամանակին սույն թագավորության խաղաղած նշանակալից դերին, նրա պատմությանը ցայսօր չի դարձել առանձին ուսումնասիրության առարկա: Պատճառներից գլխավորն, անշուշտ, անդրադարձնալիս նյութի սակավությունն է և եղածի ոչ բավարար մշակումն ու դասակարգումը:

Տվյալ թեմային վերաբերող սկզբնաղբյուրները երկու կարգի են՝ մատենագիտական և վիմագրական: Ցավոք, ոչ բոլոր սկզբնաղբյուրներն են Հասել մեզ և բոլոր վիմագրերը էլ, որ դրվել են գիտական շրջանառության մեջ և այդպես էլ մնացել են չհրատարակված, իսկ շատերն էլ ուղղակի ոչնչացվել են թուրքական իրականության պայմաններում:

¹ Գավառական թագավորությունների և իշխանությունների պատմությանը նվիրված սակավաթիվ ուսումնասիրություններից են՝ Ղ.Մովսիսյան, Լոռիի Կյուրիկյան թագավորների պատմությունը, Վեննա, 1923, Հ.Մ.Ութմազյան, Սյունիքը 9-10-րդ դարերում, Ե., 1958, Թ.Պ.Հակոբյան, Սյունիքի թագավորությունը պատմա-աշխարհագրական առումով, Ե., 1966, Վ.Մ.Վարդանյան, Վասպուրականի Արծրունյաց թագավորությունը, Ե., 1969, Բ.Ա.Ուլուբաբյան, Խաչենի իշխանությունը 10-14-րդ դդ., Ե., 1975, Ռ.Ի.Մաթևոսյան, Տաշիր-Ձորագետ, Ե., 1982, Գ.Ս.Գրիգորյան, Տարոնի Բազրատունիների ֆեոդալական իշխանությունը 9-10-րդ դարերում, Ե., 1983, Г.М.Грузорян, Очерки истории Сюникса 9-15вв., Е., 1990, Ա.Ի.Շահնազարյան, Վաչրամյանների իշխանությունը, Ե., 1991 և այլն:

² Հարցի պատմագրությանը պետք է անդրադառնանք առանձին: Այստեղ միայն նշենք, որ Վանանդի թագավորության մասին առավել ընդհանրացնող պատմագիտական ախարկը պատկանում է ակադ. Ս.Տ. Երեմյանի գրչին (տե՛ս Հայ ժողովրդի պատմություն, Հ. 3, Ե., 1976, էջ 93-99):

Վանանդի մասին մատենագրական տեղեկությունները սկսվում են մաշտոցյան դպրության սկզբնավորումից անմիջապես հետո: Եզակի ու խիստ արժեքավոր են հատկապես Փավստոս Բուզանդի³, Եղիշի⁴, Ղազար Փարպեցու⁵ և հատկապես Մովսես Խորենացու⁶ հաղորդած տեղեկությունները: Գավառի ու տեղանվան ծագման, ինչպես նաև գավառի վարչական սահմանների հարցերը պարզաբանելու տեսակետից անգնահատելի են ու արժեքավոր Պատմահոր հաղորդած տեղեկությունները: Ավելորդ չենք համարում այդ վկայություններից մեկը, որ վերաբերում է դավառանվան բացատրությանը, մեջ բերել ամբողջությամբ. «Եւ ինքն (Հայոց Վազարչակ թագավորը - Ա.Ու.)... իջան է տեղիս խոտակէտս մերձ ի սահմանն Շարայի (այսինքն՝ Շիրակի - Ա.Ու.) զոր Հինքն Անիայտ և Վերին Բասեան կոչէին. իսկ հետոյ վասն հատուածի Վղդնդուր Բուլգարայ Վնդայ, բնակելոյ ի տեղիսն՝ յանուն նորա անուանեցաւ Վանանդ. և անուանք շինիցն յանուն եղբարց և զարմից նորա անուանեալ կոչին մինչև ցայժմ»:

VII - VIII դդ. Հայ մատենագիրների երկերում ևս պահպանվել են արժեքավոր տեղեկություններ Վանանդի իշխանական տան մասին: Պատմիչները ինչ-ինչ չափով բացահայտում են այդ ժամանակաշրջանի Վանանդի պատմության որոշ կողմեր: Ձնայած այդ տեղեկությունների կարևորությունը, այնուհանդերձ, դրանք բավարար չեն գավառի ամբողջական պատմությունը հյուսելիս: Վանանդի պատմության որոշ հարցեր շոշափել են VII դ. պատմիչներ Սեբեոս եպիսկոպոսը⁷, Հովհան Մամիկոնյանը⁸, Մովսես Կաղանկատվացին⁹ և Ղևոնդ Վարդապետը¹⁰: Վանանդի աշխարհագրական նկարագրության համար խիստ արժեքավոր են Անանիա Շիրկացու (VII դ.)¹¹ և Վարդան Արևելցու (XIII դ.)¹² տեղեկությունները:

Վանանդ գավառի նախաթագավորական շրջանի և հատկապես Կարս ամրոցի մասին արժեքավոր տեղեկություններ է հաղորդում IX - X դդ. պատմագիր Թովմա Արծրունին: Ուշագրավ է նրա վկայությունը Մովսես Վանանդեցու նահատակության մասին, հատկապես այն առումով, որ նա եզակի վկայություններից է Վանանդեցվոց նախարարական տան վերջին ներկայացուցիչներից մեկի մասին: Անշուշտ, շատ կարևոր է նաև Թովմայի այն հաղորդումը, թե Ալշինի նշանավոր արչականքի ժամանակ Կարսը խիստ ամրացած բերդաքաղաք էր, ուր գտնվում էր արքունի գանձարանը¹³:

Հովհաննես Դրասխանակերտցին¹⁴ Մ. ականավոր եկեղեցական գործիչն ու նշանավոր պատմագիրը, որը գործուն մասնակցություն է ունեցել երկրի

³ Փաւստոսի Բիւզանդացւոյ Պատմութիւն Հայոց, Ե., 1987, էջ 49, 63, 217, 397, 411:

⁴ Եղիշի վասն Վարդանայ եւ Հայոց պատերազմին, Ե., 1957, էջ 28, 116, 179:

⁵ Ղազարայ Փարպեցւոյ Պատմութիւն Հայոց եւ Թուրք առ Վահան Մամիկոնեան, Տիֆլիս, 1904, էջ 44, 45, 72, 75, 101, 116:

⁶ Մովսիսի Խորենացւոյ Պատմութիւն Հայոց, Տիֆլիս, 1913, էջ 109, 254, 313, 315, 332, 350:

⁷ Նույն տեղում, էջ 109 (ընդգծումները մերն են):

⁸ Պատմութիւն Անրէոսի, Ե., 1979, էջ 65, 70, 71, 114:

⁹ Յովհան Մամիկոնեան, Պատմութիւն Տարօնոյ, Ե., 1941, էջ 283, 286:

¹⁰ Մովսէս Կաղանկատուացի, Պատմութիւն Աղուանից աշխարհի, Ե., 1983, էջ 122:

¹¹ Պատմութիւն Ղեւոնդեայ Մեծի Վարդապետի Հայոց, Ս.Պետերբուրգ, 1887, էջ 32, 136:

¹² Ս. Տ. Երեմյան, Հայաստանը ըստ «Աշխարհացոյց»-ի, Ե., 1963, էջ 110:

¹³ Աշխարհացոյց Վարդանայ վարդապետի, Փարիզ, 1960, էջ 17:

¹⁴ Թովմա Արծրունի և Անանուն, Պատմութիւն տանն Արծրունեաց, Ե., 1985, էջ 288 - 289:

Հասարակական-քաղաքական կյանքին, զարմանալիորեն սուղ տեղեկություններ է հաղորդում խնդրո առարկա գավառի ու քաղաքի մասին: Դրասխանակերտցու հաղորդած տեղեկությունները, որ ստույգ են ու արժանահավատ, վերջիններն են Վանանդի նախաթագավորական շրջանի վերաբերյալ և այս առումով էլ խիստ շահեկան են¹⁵:

Հայտնի է, որ 888թ. Վանանդում բռնկվել է հակապետական մի ուժեղ ելույթ, որ գլխավորում էր Վանանդացի իշխանական տան վերջին ներկայացուցիչը՝ Վարդ Վանանդեցու որդի Սահակ Վանանդեցին, որին կոչում էին Մլեհ: Աշոտ Ա Բագրատունի թագավորն, այս ապստամբությունը դաժանորեն ճնշելուց հետո, ոչնչացրեց Վանանդացի նախարարական տունը, իսկ գավառը կցեց արքունի տիրույթներին: Թագավորը շուտով Կարս տրամադրեց իր կրտսեր եղբորը՝ Հայոց սպարապետ Աբասին, որն ամրացրեց քաղաքը, այստեղ կառուցեց ապարանք և հռչակեց սպարապետների նստավայր: Սահակ Մլեհի մասին չափազանց արժեքավոր մի վկայություն է պահպանվել Լազարյան Ավետարանի (887թ.) հիշատակարանում: Մլեհի մասին խոսվում է իբրև սույն ձեռագիրն ստացող կամ պատվիրատու¹⁶: Ի միջի այլոց, պետք է նշել, որ Հայկական ձեռագրերի հիշատակարաններում ևս կան խիստ եզակի ու արժեքավոր տեղեկություններ Վանանդի թագավորության նախնական շրջանի ու հատկապես Գագիկ Աբասյանի վերաբերյալ: Մեծ հետաքրքրություն են ներկայացնում Վանանդի թագավորության անկման այն մանրամասները, որ պահպանվել են հիշատակարաններում¹⁷: Բացառիկ արժեք ունի «Թագաւորք վերջին ի վերայ Հայոց, որ կոչին Բագրատունիք յազգէ Դաւթի» փոքրածավալ բնագիրը, որը խիստ կարևոր է ընդհանրապես Վանանդի արքայացանկը ճշգրտելու և որոշ ուղղումներ կատարելու համար¹⁸: Կարսի թագավորության առաջացման և նրա սկզբնական շրջանի պատմության չափազանց վստահելի սկզբնաղբյուր է Ստեփանոս Տարոնեցի Ասողիկի «Պատմութիւն տիեզերական» երկասիրությունը: Սույնը ստիպում է մեզ քիչ ավելի մանրամասն կանոնադրել Ասողիկի անձի և գործի հանգամանքների վրա: Հեղինակն ապրել է X դ. երկրորդ կեսին և Մուսիկի սկզբներին: Իր երկասիրությունը գրել է Հայոց կաթողիկոս Սարգիս Ա. Սեանցու հանձնարարությամբ: Աշխատանքը կոչվում է «Տիեզերական», քանզի այստեղ ինչ-որ չափով արտացոլվում է ոչ միայն Հայ ժողովրդի, այլև Մերձավորարևելյան այլ ժողովուրդների պատմությունը: Սակայն նշելի է, որ այս երկասիրությունն իր հիմնական բովանդակությամբ վերաբերում է Հայ ժողովրդի պատմությանը: Աշխատությունը բաղկացած է երեք բաժիններից, որոնց Ասողիկն անվանում է հանդեսներ: Առաջին երկու հանդեսները (հնազույն ժամանակներից մինչև Բագրատունյաց թագավորության հռչակումը) համառոտ ծաղկաքաղ են նախորդ պատմագիրներից: Ինչպես ինքը՝ Ասողիկն է խոստովանում, Հայ և Հույն հեղինակների երկասիրությունների հիման վրա «կարճ ի կարճոյ համառօտիւ»¹⁹ ներկայացրել է Հայոց պատմությունը: Երրորդ հանդեսը, որը հեղինակն անվանում է «Պատմութիւն

¹⁵ Հովհաննես Դրասխանակերտցի, Պատմութիւն Հայոց, Ե., 1996, էջ 98, 146, 148, 180, 182, 190:

¹⁶ Հայերեն ձեռագրերի հիշատակարաններ, Ե - Ծ, գրքեր, Ե., 1988, էջ 40:

¹⁷ Տե՛ս Գարեգին Ա Կաթողիկոս, Հիշատակարանք ձեռագրաց, Հ. 1, Անթիլիաս, 1951, էջ 176, 293, 419 և այլն:

¹⁸ Նույն տեղում, էջ 87:

¹⁹ Ստեփանոսի Տարոնեցույ Ասողկան պատմութիւն տիեզերական, Ս.Պետերբուրգ, 1885, էջ 59:

ժամանակաց ինքնախօսութեան», ընդգրկում է 117 տարվա պատմություն՝ Աշոտ Ա-ի զահակալությունից (885թ.) մինչև 1004 թվականը: Պատմական այս ժամանակաշրջանի երկրորդ կեսին են վերաբերում միասնական պետության տրոհումն ու զավառական թագավորությունների առաջացման գործընթացը: Ասողիկի երկասիրությունը... Վանանդի թագավորության պատմության Հիմնական սկզբնաղբյուրն է: Նա ջերմեռանդ կողմնակիցն է Բագրատունյաց կենտրոնական իշխանության, դատապարտում է երկպառակություններն ու անջատողական միտումները: Սակայն Հեղինակը Հակասական է, երբ խոսում է Կարուց երկրորդ թագավոր Աբասի մասին՝ անվանելով նրան «այր շքեղ, լի Հանճարով և իմաստուն»²⁰: Եվ մի ամբողջ գլուխ է նվիրել նրա կատարած բարեգործություններին և ձեռնարկած շինարարական աշխատանքներին²¹: Արժեքավոր են Հատկապես Ասողիկի տեղեկությունները Վանանդի թագավորության զինված ուժերի մասին, որոնք աչքի ընկան 994թ. Հարավային Հայաստանի արաբ ամիրաների դեմ ձեռնարկած ռազմական արշավանքի ընթացքում²²:

Մի քանիսն Արիստակես Լաստիվերտցու «Պատմութիւն» երկասիրությունը արժեքավոր տեղեկություններ է հաղորդում Կարս քաղաքի տնտեսական ծաղկում վիճակի և սելջուկ-թուրքական արշավանքների ընթացքում քաղաքին Հասած սոսկալի Հարվածների մասին (գլ. ԺԵ՝ «Թէ որպէս անՀնարին Հատաւ քաղաքն յՎիսցեսալ, որ կոչի Կարս»)՝: Անշուշտ, ուշագրավ են նաև պատմիչի վկայությունները Կարսի վերջին թագավոր Գադիկ Աբաջյանի և նրա երիտասարդ զորականներից մեկի՝ Թաթուկ Վանանդեցու սխրագործության մասին²³:

Մի քանիսն Արիստակես Լաստիվերտցու «Պատմութիւն» երկասիրությունը արժեքավոր տեղեկություններ է հաղորդում Կարս քաղաքի տնտեսական ծաղկում վիճակի և սելջուկ-թուրքական արշավանքների ընթացքում քաղաքին Հասած սոսկալի Հարվածների մասին (գլ. ԺԵ՝ «Թէ որպէս անՀնարին Հատաւ քաղաքն յՎիսցեսալ, որ կոչի Կարս»)՝: Անշուշտ, ուշագրավ են նաև պատմիչի վկայությունները Կարսի վերջին թագավոր Գադիկ Աբաջյանի և նրա երիտասարդ զորականներից մեկի՝ Թաթուկ Վանանդեցու սխրագործության մասին²⁴:

Նույն ժամանակաշրջանի մատենագիրներից է նաև Սամուել Անեցին, որի հաղորդած տեղեկությունները Կարսի թագավորության մասին նույնպես շատ արժեքավոր են և երբեմն լրացնում են ու Հաստատում նախորդ մատենագիրներին²⁵: Վանանդի թագավորության պատմությունը, Հատկապես վերջին շրջանի դեպքերը, ինչ-որ չափով իրենց անդրադարձն են ցուցնում նաև Մխիթար Անեցու (XII դ.)²⁶, Վարդան Արևելցու²⁷, Կիրակոս Գանձակե-

²⁰ Ստեփանոս Տարոնեցի Ասողիկ, էջ 196:

²¹ Նույն տեղում, Հանդես երրորդ, գլ. ԺԵ:

²² Նույն տեղում, էջ 270 - 271:

²³ Պատմութիւն Արիստակեսի Լաստիվերտցու, Ե., 1963, էջ 83-84:

²⁴ Նույն տեղում, էջ 88:

²⁵ Մատթեոս Ուռհայեցի, Ժամանակագրություն, Ե., 1991, էջ 14, 22, 56, 162, 164, 168, 198, 236:

²⁶ Սամուելի քահանայի Անեցու Հաւաքմունքի գրոց պատմագրաց, Վաղարշապատ, 1893, էջ 99, 113 և այլն:

²⁷ Մխիթար Անեցի, Մատեան աշխարհավէպ Հանդիսարանաց, Ե., 1983, էջ 45, 67, 101, 109:

²⁸ Հաւաքումն պատմութեան Վարդանայ Վարդապետի լուսաբանեալ, Վենետիկ, 1862, էջ 88, 92, 102, 119, 138:

ցու²⁹, Մխիթարյ Այրիվանեցու³⁰, Սմբատ Սպարապետի³¹ և Ստեփանոս Օրբելյանի (XII դ.)³² երկասիրություններում:

Վանանդի թագավորության մասին առանձին տեղեկություններ են պահպանվել նաև մանր ժամանակագրություններում: Դրանցից հիշատակության է արժանի հատկապես XII դ. Անանուն ժամանակագրությունը: Սա մի փոքրածավալ բնադիր է, որը կցված է «Թագաւորք վերջինք Բագրատունիք» երկասիրությանը: Հեղինակը թվարկում է Բագրատունի թագավորներին՝ Աշոտ Ա-ից մինչև Աշոտ Դ-ն, հիշատակում նաև Կարսի և դավառական մյուս թագավորությունների հիմնադիրներին և նրանց առնչվող դեպքերը³³: Վանանդի թագավորության մասին վկայություններ կան նաև առավել ուշ շրջանի մատենագրական հուշարձաններում (Դավիթ Բաղիշեցի և այլք), որոնցում, սակայն, ուշագրություն արժանի տեղեկություններ չկան:

Օտար աղբյուրներից ընդհանրապես Վանանդի և մասնավորապես Կարս քաղաքի մասին առանձին արժեքավոր տեղեկություններ են հաղորդում վրաց մատենագիրներ Ստեփան Տբեթցին (X դ.), «Վրաց մատյանը» երկի Անանուն հեղինակը (XII դ.), Գևորգ Աբեղան (XII դ.), «Դավիթ արքայից-արքայի պատմությունը» երկի Անանուն հեղինակը (XII դ.) և ուրիշներ³⁴: Հատկապես ուշագրավ է Կարսի Գագիկ Աբասյան թագավորի Գագիսկարելի անվանաձևը, որ հանդիպում է Գևորգ Աբեղայի մոտ³⁵: Վանանդի վերաբերյալ առանձին վկայություն ունի նաև X դ. բյուզանդական մատենագիր, Բյուզանդիայի կայսր Կոստանդին VII Միրանածինը³⁶:

Հիշատակված սկզբնաղբյուրներից բացի, Վանանդի թագավորության վերաբերյալ կան նաև վիճաբեր առանձին նյութեր, որոնցից առանձնակի արժեք է ներկայացնում 1917թ. Կարսում Ս.Տեր-Ավետիսյանի հայտնաբերած արձանագրությունը³⁷:

Անշուշտ, թվարկվածով չեն սպառվում Վանանդի թագավորության պատմության սկզբնաղբյուրները, սակայն դրանք ամենակարևորներն են, որոնք հնարավորություն են ընձեռում շարադրելու հայկական այս թագավորության պատմությունը, որին և առաջիկայում հարկ է որ ձեռնամուխ լինի հայ պատմագիտությունը, որպես իր չհատուցած պարտքերից մեկը:

²⁹ Կիրակոս Գանձակեցի, Պատմութիւն Հայոց, Ե., 1961, էջ 93, 102, 104, 163, 171, 260, 310, 364:

³⁰ Մխիթարյ Այրիվանեցւոյ Պատմութիւն Հայոց, Մ., 1860, էջ 56, 59, 60:

³¹ Սմբատայ Սպարապետի Տարեգիրք, Վենետիկ, 1956, էջ 6, 9, 24, 60, 66, 87:

³² Ստեփանոս Օրբելյան, Պատմութիւն նահանգին Սիսական, Թիֆլիս, 1910, էջ 299, 373, 374, 377, 378, 391:

³³ Տե՛ս Մանր ժամանակագրություններ. 13-18-րդ դարեր, հ. 2, Ե., 1956, էջ 501-502:

³⁴ Տե՛ս Լ. Մնիքսեթ-Քեկ, Վրաց աղբյուրները Հայաստանի և Հայերի մասին, հ. 1, Ե., 1934, էջ 91, 203, 209, 216:

³⁵ Նույն տեղում, էջ 120:

³⁶ Օտար աղբյուրները Հայաստանի և Հայերի մասին, 6: Բյուզանդական աղբյուրներ, Բ: Կոստանդին Միրանածին, Թարգմանությունը բնագրից, առաջաբանը և ծանոթագրությունները Հ. Բարթիկյանի, Ե., 1970, էջ 10:

³⁷ С. В. Тер-Аветисян, О раскопках в Карсе и новооткрытой армянской надписи IX века (Известия Кавказского историко-археологического института в Тифлисе, т. 3, Тифлис, 1925, с. 121-128).

ПЕРВОИСТОЧНИКИ ПО ИСТОРИИ ЦАРСТВА ВАНАНДА (КАРС)

А.А. УТУДЖЯН

Резюме

Царство Вананда (Карс) – одно из государственных объединений, явившихся следствием политической раздробленности Армении в X–XIV вв. В отличие от других провинциальных царств (Гугарк, Сюник, Васпуракан, Арцах) история царства Вананда до настоящего времени не стала предметом специального исследования. Первоисточники по истории царства Вананда хронологически подразделяются на три группы: 1. относящиеся ко времени до основания царства (V – X вв.); 2. период царства (X – XI вв.); 3. источники, созданные непосредственно после падения царства (XI – XIII вв.). Имеются также иноязычные (византийские, грузинские) и эпиграфические первоисточники.